



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-345-5/23**
Datum: **26.09.2023. godine**

„Agencija za vodno područje rijeke Save“ Sarajevo rješavajući po zahtjevu Investitora „SIROVINAMETAL“ d.o.o. Bugojno za donošenje rješenja o vodnoj dozvoli za aktivnosti koje mogu imati specifične uticaje na vode prilikom izvođenja aktivnosti na lokaciji koja se koristi za skupljanje i reciklažu posebno izdvojenih materijala, na lokalitetu u ul. Rostovska bb, općina Bugojno na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE o vodnoj dozvoli

1. Daje se vodna dozvola pravnom licu „SIROVINAMETAL“ d.o.o. Bugojno za aktivnosti koje mogu imati specifične uticaje na vode prilikom izvođenja aktivnosti na skupljanju, skladištenju i reciklaži posebno izdvojenih materijala, na lokalitetu u ul. Rostovska bb, općina Bugojno, na k.č. 312/3 p.l.618/2 k.o. Kandija odnosno katastarski podaci k.č. 261/4 i 257/6, zk.ul.5 i 98 k.o. SP Bugojno, općina Bugojno.
2. Ova vodna dozvola se odnosi isključivo za aktivnosti koje mogu imati specifične uticaje na vode sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli je donešeno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
 - 3.1. Da korisnik izgrađenih objekata i instalirane opreme koji se koriste za skupljanje, skladištenje, obradu i reciklažu posebno izdvojenih materijala, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2. Da korisnik navedenih objekata za vrijeme trajanja ove dozvole, osigura da prečišćene, otpadne vode sa lokaliteta koji se koristi za skupljanje i reciklažu posebno izdvojenih materijala nesmetano sakupljaju i odvođe do gradske kanalizacije kojom upravlja JKP „Vodovod i Kanalizacija“ d.o.o. Bugojno.
Prečišćene oborinske/otpadne vode moraju ostati u maksimalno dopuštenim granicama definiranim članom 14. i 15. Uredbe o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.3. Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.4. Skupljanje, manipulaciju i skladištenje metalnih, sekundarnih sirovina vršiti isključivo na betonskoj podlozi s izvedenim sustavom odvodnje prema taložnicima i sustavom prečišćavanja, preko kontrolnog šahta iste upuštati u javnu kanalizaciju.
 - 3.5. Da se sa opasnim i štetnim materijama (autoakumulatori i ostali otpad koji sadrži štetne materije ili tečnosti) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed izlivanja kiselina i drugih štetnih materija, takve materijale isključivo skladištiti u vodonepropusne kontejnere u natkrivenom prostoru.

- 3.6 Osigurati priručna sredstva za brzu intervenciju u slučaju nekontroliranog istjecanja štetnih/opasnih tečnosti i materijala na površinama po kojima se vrši manipulacija i skladištenje sekundarnih sirovina kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.7 Skladištenje bilo kakvog materijala se ne smije ni privremeno odlagati na česticu „vodno dobro“, odnosno u vodotoke i na njegove obale kao ni zelene površine.
- 3.8 Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 3.9 Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.10 Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, „SIROVINAMETAL“ d.o.o. Bugojno je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav 1 Zakona o vodama se daje sa rokom važenja od pet (5) godine od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Investitor, „SIROVINAMETAL“ d.o.o. Bugojno obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode a odnose se na skupljanje i reciklažu posebno izdvojenih materijala na lokalitetu industrijske zone u ul. Rostovska bb., općina Bugojno, izrađenog na k.č. 312/3 p.l.618/2 k.o. Kandija odnosno katastarski podaci k.č. 261/4 i 257/6, zk.ul.5 i 98 k.o. SP Bugojno, općina Bugojno.

Uz zahtjev je dostavljena sljedeća dokumentacija:

- Rješenje o registraciji br 051-0-Reg-18-000190 od 13.054.2018. god. izdana od Općinskog suda u Travniku;
- Ovjerenu kopiju uvjerenja o poreznoj registraciji Izdato od strane Kantonalnog poreznog ureda Novi Travnik od 24.04.20118. godine;
- Rješenje o upotrebnoj dozvoli br. 05-23-000897-2008 od 18.06.2008.god. izdano od Službe za urbanizam, građenje, geodetsko-katastarske i imovinsko pravne poslove, Općine Bugojno;
- Rješenje o upotrebnoj dozvoli br. 05-23-01103-12 od 25.01.2017.god. izdano od Službe za urbanizam, građenje, geodetsko-katastarske i imovinsko pravne poslove, Općine Bugojno.
- Rješenje o izdavanju dozvole za upravljenje otpadom br. 06-23-24/19 od 20.06.2019.god., izdano Ministarstva prostornog uređenja, građenja, zaštiteokoliša, povratka i stambenih poslova KSB;
- Rješenje o Vodnoj dozvoli br 05-25-257/18 od 25.9.2018.god., izdana od Ministarstva poljoprivrede, vodoprivrede i šumarstva KSB;
- Rješenje o okolinskoj dozvoli br. UPI 05/2-23-11-84/19 od 20.08.2019. izdano od Federalnog ministarstva okoliša i turizma;
- Projektno tehnička dokumentacija „Glavni projekt vanjskog uređenja“ izrađen od „IBIS“ d.o.o. Zavidovići iz 2011.god. (vraćena Investitoru na uviđaju);
- Ugovor o čišćenju separatora i zbrinjavanju zauljene vode i mulja, sklopljen s poduzećem DELTA PETROL d.o.o. Kakanj, br. 282/23 od 24.05.2023.;
- Komunalna suglasnost o ispuštanju otpadnih voda, sanitarno fekalnih i oborinskih u javni kanalizacioni sustav kojim upravlja JKP „Vodovod i Kanalizacija“ d.o.o. Bugojno br.1065/16 od 15.12.2016.god;
- Izvještaj o monitoringu kvaliteta i kvantiteta otpadnih voda, br. 616/23 iz 4/2023, izrađen od „Inspekt-RGH“ d.o.o. Sarajevo;
- Atest za separator ulja i masti br. U-08-0138/08 od 30.01.2008.god., izdan od KONTROL BIRO-PRISTER d.o.o. Zagreb;
- Kopija uplatnice o plaćenju upravnoj pristojbi;
- Uplatnice po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-1345-4/23 od 31.08.2023. na kome je konstatirano sljedeće:

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Za stambeno poslovni objekt izdana je upotrebna dozvola kao i za poslovne hale a za vanjsko uređenje s projektom odvodnje i tretmana oborinskih voda izrađena je projektno-tehnička dokumentacija od strane ovlaštenoga poduzeća „IBIS“, d.o.o. Zavidovići.

Proces prikupljanja i obrade sekundarnih sirovina vrši se u dvije zatvorene hale i djelomično na manipulativnom prostoru u ulici Rostovska bb, općina Bugojno. Nadalje je utvrđeno da se sve oborinske vode sa manipulativnih površina kao i samih hala, skupljaju sustavom slivnika i kanala do separatora ulja i masti, koji održava poduzeće DELTA PETROL d.o.o. Kakanj sa prelivom u gradski kanalizacioni sustav kojim gospodari JKP „Vodovod i Kanalizacija“ d.o.o. Bugojno od kojih

podnositelj zahtjeva ima pismenu suglasnost o ispuštanju otpadnih voda, sanitarno fekalnih i oborinskih u javni kanalizacioni sustav br 1065/16 od 15.12.2016.god. Sukladno monitoringu otpadnih voda u točki 8. dostavljene okolinske dozvole, ispitivanje se vrši četiri puta godišnje a isto obavlja poduzeće „Inspekt-RGH“ d.o.o. Sarajevo. Svi, do sada, urađeni nalazi zadovoljavaju kriterije Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20)

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uvjeti u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva „SIROVINAMETAL“ d.o.o. Bugojno, ispunio minimum uvjeta za izdavanje vodne dozvole za promet ispuštanjem oborinskih, onečišćenih voda u prirodni recipijent sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.grad

Dostaviti:

- „SIROVINAMETAL“ d.o.o. Bugojno, Rostovska bb, Bugojno.
- AVP Sava, ISV-vodna knjiga
- Sektor 50.
- ② Sektor 40, arhiva
- Oglasna ploča-AVP Sava